

պետ, եւ յանձն արար նմա զգործ տէրութեան իւրոյ : Բայց չվայելեալ նորա ընդ երկար զայն իշխանութիւն մեռաւ օրէն (1168), կացեալ յայնմ մեծութեան ամիսս 2 և աւուրս 5 :

Արաբացիք զսա համարին սկիզբն և հեղինակ էյուպեան հարստութեան : Շիրքու եւ էյուպ էին որդիք Շադէի 'ի Դուին քաղաքէ Հայոց, յազգէ Մարաց : Բայց Սալահատին որդի էյուպայ ծնեալ էր 'ի Թիւրիտ քաղաքի Մարաց, և կային սոքա 'ի ծառայութեան Ամատէտտին զանդի աւսիրային և որդւոյ նորին Նուրէտտին Սուլթանին :

Յետ այնորիկ Սալիֆայն Ա' տաւ ըստ խնդրոյ զօրավարաց բանակին եւ իշխանացն եգիպտոսի կացոյց զՍալահատտին Վէզիր և զօրագլուխ 'ի տեղի հօր եգօր իւրոյ, և անուանեաց զնա Մէլիք Նասր : Թէպէտ Նուրէտտին կոչէր զնա Սիփէհսալար (սպարապետ) եւ փոխանորդ իւր : Սալահատտին կոչեաց և էած առ ինքն զհայր իւր էյուպ և զընտանիս նորա : որպէս Յովսէփ կոչեաց զհայր իւր զՅակոբ, զի լիցի կատարեալ ուրախութիւն իւր, և կացոյց զնա 'ի վերայ գանձուց իւրոց, որ և յետոյ անկեալ 'ի ձիւոյն մեռաւ, մինչդեռ Սալահատտին գեգերէր 'ի կողմանս Քերեքայ կառուելով ընդ Լատինս :

Եւ 'ի նմին ամի իբրեւ լուաւ Սալահատտին թէ պաշարեցին Լատինք զՏիմիատ քաղաք, ածապարեալ եհաս 'ի վերայ նոցա իբրեւ զկայծակն բազմութեամբ զօրաց, և պաշարեաց զնոսա արտաքուստ զաւուրս 50 : Ազդ եղեւ Լատինաց թէ ել Նուրէտտին 'ի վերայ ծովեգերեայ քաղաքաց եւ ատպատակաւ աւերեաց զնոսա, վասն որոյ փոյթ կալան դառնալ յետս 'ի պահպանութիւն քաղաքացն : Իսկ Սալահատտին դիմեալ 'ի վերայ Ասկաղոնի եւ Ռէմէլէի՝ ասպատակէր 'ի կողմանս յայնոսիկ : պաշարեաց նաեւ զովմանս 'ի ծովեգերեայ քաղաքաց 'ի ծովու և 'ի ցամաքի, այլ չկարացեալ առնել ինչ՝ դարձաւ յեգիպտոս :

Մեռաւ վերջին Սալիֆայն Ա' տաւ Փաթիմեան հարստութեան 'ի Թուին Հիճրէթի օրէն (1170) եւ իսպառ բարձաւ յեգիպտոսէ իշխանութիւն ցեղին այնորիկ, տեւեալ ամի իբր 269, եւ Սալահատտին տիրեաց Թագաւորական պալատին եւ ամենայն գանձուց նորա, եւ զընտանիս